

上章之所自然生金液丹碧芝英百寶聚真
交會在此洞案爐前令臣體耀金輝斬伐胞
根七玄拔擢百關備仙解脫死籍宴坐泥丸
東華紀字篆景虛玄十方仙童玉女接待香
煙傳臣向來所啓之言速速徑御

太上无極大道無形無名虛无自然金闕玉
陛下

出戶

太上黃籙齋儀卷之十一

太上黃籙齋儀卷之十二

唐廣成先生杜光庭集

太子降誕落景行道

入戶

各禮師存念如法

衛靈

五星高曜 瑞炁飛浮 元始集神

天地交周 玉符寶節 嘯命微幽

擲火揚威 奸凶無留 萬魔振伏

紛葩却消 摧怪伐惡 道炁同流

神光照夜 陰翳俱收 萬神降格

扇景乘颺 羣生咸遂 惠遍神州

鳴法鼓二十四通

无上玄元太上道君召出臣等身中三五功

曹左右官使者侍香金童傳言散花玉女五

帝直符首日香官各三十二人出出者嚴裝

關啓玄壇天帝神君當召此間土地里域真

官正神以今奉為入意祈恩玉闕進拜丹書

願得玉清道炁靈寶妙光下降流入臣等身

中即使紫精鬱勃玉闕開明五老輔根萬帝

攝具體圓珠映乘景懸宸金光煥赫御炁上

清今臣所啓速達徑御

太上无極大道無形無名虛无自然金闕玉

陛下

各稱法位

上清玄都大洞三景弟子无上三洞法師奉

行黃籙大齋降誕法事其歡先生某帝真人

某等同誠上啓

虛无自然元始天尊无極大道太上大道君

高上大道金闕玄元天皇大帝太上老君吳

天玉皇上帝十方已得道大聖衆至真諸君

丈人三十六天帝君玉虛上帝玉帝大帝東

華南極西靈比真玄都玉京金闕七寶玄臺

紫微上官靈寶至真明皇道君三十六部尊

經玄中大法師南上好生君文昌主仙君長

生領籍司命韓君丈人太平下教二十四具

人三界應感一切真靈臣等伏聞太虛无象

以道為萬象之根萬象稟生以道為通生之

本由是玄黃叙列光景昭宣日闕月城高闕

九清之上至真元聖端居八景之中孚巨澤

而濟人天播神功而鎮邦國所以五篇靈真
貫五帝而廓五方三洞弘深出三清而攝三
界魏乎至極歷劫所尊其等夙奉玄經豫參
具妙思慮道力上蒼昌期當重離耀彩之辰
析萬聖垂祥之錫況承詞旨敢不上聞

皇帝青詞謹當宣奏

讀詞

按如詞言理宜關奏是用按重玄秘範開衆
妙福庭燒香然燈轉經行道宅神恬漠抗志
希微共勵精誠以希禎祐以今落景行道請
法衆等運茲初捨上香
願此香煙騰空徑上供養
无上至真道寶_臣等歸身歸命首體投地仰
依

太上三尊願以是功德歸流

宗社尊靈

列聖昭穆八霞寶與凌碧漢以登真萬景
輪輶絳霄而證道凝神紫殿垂祐
皇圖超連陸以無爲邁義融而求祚今故燒
香自歸依

師尊大聖衆至真之德得道之後昇入元形
和與道合真

以今落景行道請法衆等運茲二捨上香
願此香煙騰空徑上供養

无上至真經寶_臣等歸身歸命首體投地仰
依

太上三尊願以是功德歸流

皇帝伏冀福澄八海擁群瑞以朝宗壽尊五
山集千祥而拱極納勛華於術內吞軒昊於
穀中妃后六宮匡扶唐德誥王百揆翼贊天
休萬國和寧五兵韜戢三農衍溢品位舒榮
今故燒香自歸依
師尊大聖衆至真之德得道之後昇入元形
和與道合真

以今落景行道請法衆等運茲三捨上香

願此香煙騰空徑上供養

无上至真師寶_臣等歸身歸命首體投地仰
依

太上三尊願以是功德歸流

皇太子伏冀

青宮納祐

皇極貽休龍樓增明兩之輝難戰耀重光之
瑞福崇崑閩壽永椿齡孝德忠規光敷萬宇
今故燒香自歸依

師尊大聖衆至真之德得道之後昇入元形
和與道合真

禮方

懺悔

三啓

三禮

大道洞玄虛 有念無不契 鍊質入仙真
速成金剛體 超度三界難 地獄五苦解

悉歸太上經 靜念稽首禮

臣等至心稽首禮

太上元極大道

臣等至心稽首禮

三十六部尊經

臣等至心稽首禮

玄中大法師

重稱法位

具位_臣某某等謹重上啓

太上无極大道元始天尊太上大道君太上老君十方无極大道道德衆聖三十六部尊經玄中大法師天師君上相上宰四極眞王長生大聖主仙衆眞南宮領校三界尊靈臣等伏聞元洞玉曆大有金書開光至極之初

況景太无之上靈風集妙眞道融精出長生度世之篇有騰駕昇玄之要法音乍聞四萬劫以方傳絳府重宣五億天而共仰故得九皇師稟歷世宗修佐國安邦垂祥致福某某等希冀屬念專道披元析景配於苑洪行精誠之通感當前星誕瑞之節依上清啓福之儀然燈燒香轉經行道冥心十極馳歎諸天所祈萬聖傾光衆尊流鑒延恩紫闕貽賜存

皇帝壽越蓬壺福齊宮吳竟箕舜曆與烏兔以無窮禹跡周封而華夷而順化皇妃王子翼奉帝猷率土普天敷揚層澤殊庭納款絕域歸賓歲有寶登俗臻康樂

皇太子文明溫穆宣慈惠和耀忠孝於離方群方仰德茂謙恭於震域九域瞻風永贊聖功允昌大寶泊乎顯晦旁及飛沉俱躋仁壽之庭同洽雍熙之運上明天尊廣濟之澤下副_臣等歸命之誠謹啓

發願

一願大道流行普天懷德二願一切有生咸皆悟道三願九夜悲魂一時解脫四願孤魂無依咸得受生五願天下太平五穀豐熟六願臣忠子孝君仁父慈七願四海通同克親和釋八願潛胞處卵咸得生成九願積疾新痾旋即痊愈十願孤露衆生置衣食

復爐

香官使者左右龍虎君侍香諸靈官當今_臣上章之所自然生金液丹碧芝英百靈衆真交會在此洞紫爐前令_臣體耀金輝斬伐胞根七玄拔擢百關備仙解除死籍冥坐泥丸東華紀字策景虛玄十方仙童玉女接待香煙傳_臣向來所啓之言速達徑御太上无極大道無形無名虛無自然金闕王

陛下

出戶

太上黃籙齋儀卷之十二